

Na osnovu člana 2. Poslovnika o radu Ekonomsko-socijalnog vijeća za područje Kantona Sarajevo (broj: 01-18/02-1/09 od 27.04.2009. godine, broj: 01-23-2-16/10 od 26.05.2010. godine i broj: 01-41-5-4/13 od 28.02.2013. godine) Vijeće je na _____ sjednici održanoj _____ 2017. godine donijelo slijedeću

PRIJEDLOG

O D L U K U o pečatu Ekonomsko-socijalnog vijeća za područje Kantona Sarajevo

I OPŠTE ODREDBE

Član 1.

Ovom odlukom uređuje se oblik i sadržaj pečata Ekonomsko-socijalnog vijeća za područje Kantona Sarajevo (u daljem tekstu: Vijeće), izrada pečata, čuvanje i upotreba pečata, kao i druga pitanja od značaja za provođenje ove odluke.

Član 2.

Pečatom se potvrđuje autentičnost akata koje donosi Vijeće kao i akata koje, prema svojim nadležnostima, donosi predsjednik Vijeća ili sekretar Vijeća kada se radi o pripremi sjednica i realizaciji zaključaka sa sjednica Vijeća.

II IZRADA PEČATA

Član 3.

(1) Pečat ima oblik kruga, a u prvom koncentričnom krugu sadrži tekst "Bosna i Hercegovina – Federacija Bosne i Hercegovine", a u drugom koncentričnom krugu tekst "KANTON SARAJEVO", isписан velikim slovima i u trećem koncentričnom krugu naziv i sjedište tijela i to: "Ekonomsko-socijalno vijeće za područje Kantona Sarajevo".

(2) Nazivi iz stava (1) ovog člana ispisuju se istovremeno latinicom i cirilicom.

Član 4.

Pečat iz prethodnog člana ima prečnik 50mm (veliki pečat) i 30mmm (mali pečat).

Član 5.

Pečat izrađuje ovlaštena pečatoreznica.

III UPOTREBA I ČUVANJE PEČATA

Član 6.

O čuvanju i upotrebi pečata stara se sekretar Vijeća.

Član 7.

Pečat se mora čuvati i upotrebljavati tako da se onemogući njegova zloupotreba.

Član 8.

Pečat koji je, zbog istrošenosti ili drugih razloga, postao neupotrebljiv, mora se odmah uništiti, o čemu se stara predsjednik odnosno sekretar Vijeća.

III UNIŠTAVANJE PEČATA

Član 9.

Predsjednik Vijeća je dužan odmah prijaviti nestanak pečata Ministarstvu unutrašnjih poslova Kantona Sarajevo i oglasiti kao nevažeći u "Službenim novinama Kantona Sarajevo", a u slučaju kasnijeg pronalaženja nevažeći pečat će se uništiti.

Član 10.

Novi pečat, koji se izrađuje umjesto nevažećeg, mora biti posebno označen.

Član 11.

Ukoliko određeno pitanje nije uređeno ovom odlukom primjenit će se opšti propisi o pečatima koji se primjenjuju u Kantonu Sarajevo.

IV PRELAZNA I ZAVRŠNA ODREDBA

Član 12.

Stupanjem na snagu ove odluke prestaje da važi Odluka o pečatu Ekonomsko-socijalnog vijeća za područje Kantona Sarajevo broj: 01-18/03-2/09 od 27.04.2009. godine.

Član 13.

Ova odluka stupa na snagu danom donošenja.

Sarajevo _____ 2017. godine

P R E D S J E D N I C A

Broj: _____ /17

Amela Dautbegović